

造論禮讚與誓願

洛桑嘉措 造

釋法音 譯

敬禮皈依至尊勝上師

勝乘入門樞要恩最勝，唯乃演教無餘至尊師，
遍攝一切諸佛悲智力，勇喜稽首不離祈攝護。
心界溶化大海所煉出，心界盡修遍明須彌身，
調伏他眾心界顯勇力，心界圓滿諸佛虔作禮。
能仁廣說法蘊盡無餘，精髓匯一唯此菩提心，
唯聞念義寂靜妙樂藏，任誰具此即奉頂嚴供。
召請無餘含識以為親，無邊方便神變調伏藏，
力賜二利遍求甘露海，心極狂喜此菩提修心。
雖無權柄亦乏猛悍軍，任誰但唯趨行入此心，
悉得盡伏內外魔軍羣，此非輪王唯勝菩提心。

任其串習增上任幾許，大樂無有飽足無等倫，
世間盡大名者不得尋，如意自在權王斯為何？
雖未曾依聽聞教乘海，未依苦行未依眾本尊，
云何得可攝集三乘寶，攝集此一菩提修心法？
今諸佛喜此乃最勝喜，展攝無邊教誡最勝妙，
修行總攝道之木根元，啟道地門於此喜弘揚。
偏黨非正住者雖不喜，若以妙智正心予觀擇，
實為獲致無邊欲求本，為自安立堅固習氣故。
一如自宗不宜當棄捨，若法自心難能暫放捨，
一如病者所服易服藥，修習合宜心法心力生！